



الشاعر أمان بن سعيد الحسيني أحد شعراء الوكرة

قال في الغزل رحمه الله..

البارحة جفني من النوم ما جاله
من ضيقة بحشاي والعين هماله
تحملت حملٍ ضد حيلي وضامني
حملٍ ثقيل في الهوى ما حد شاله
حملته وكلفني على غير طاقتي
ومن الغلط حيلي تمشكل بحمّاله
محني هوى الخفرات واصبحت ممتحن
تكلفت من حملة ولا اصخي بنزّاله
على من سلب عقلي وخذني يتلني
من طيب جنسه في الهوى قلبي انحاله
انحيت وانحالي وداده وصابني
بمجدلاتٍ شقر وعيون قتاله
يالابتي تكفون يا زخر عزوتي
باموت نادوا لي مغسل وشلاله
ان ما حصل لي غظ الانهاد عزتي
للحال ولا القلب ما لوجد اماله
ياونتي وان باح سدي وما خفي
ونة حزين ماخذ البين جهاله
على عديم الجنس ومضمر الحشاء
وشقرٍ تغطي مدمج الساق مياله
تغذى بطيب الورد والعنبر الذي
من معدنه ما هوب من عند دلاله
ياما عليه انوح وان بان واعتلى
لطف الحشا اللي ولع القلب بأمثاله
طفل خفي الصوت شفي ومنوتي
عندي عزيز ومهجة الروح منزاله
خذني هواه بغير فكري وحدني
غصب علي اطيع في ما هوى باله
زين السلوك اللي على الطول جابني
جيب العسيف اللي من الزول جفاله
اللي وداده من هوى الغير لدني
هيهات قلبي غير هو ما تراواله
حبه ذوى كبدي وعذره يزيدني
وفرقاء شبت في الحشاء نار شعاله
ووصله يشافيني ويبري لهايبي
ويبري صوابي نظرة العين من فاله
ويسر حالي لنعطف لي وزارني
والى جفاني زداني هم غرباله
عليه عيني حاربت لذة الكرى
تسكب دموع فوق الاوجان منهاله
ايش النظر والرأي يادارس الهوى
ياقاري دفتر هل الغي واشكاله
اشكي عليك ارب علمك يفيدني
ولا تقديني اذا عندك ادلاله
انا غديت وضعت في غبة الهوى
واشوف سفني بين الامواج هياله
هايم غريب وضيع الود فكرتي
واصفق بكفي واطلب الله واساله